

Tom mussa laatedrala als uffants

Il nov guid d'uffants da laatedrala a Cuira

■ (fb) La figura da comic Tom che deriva da la muntanella da crap en laatedrala, accumpogna e maina uffants tras la baselgia episcopala. L'emprim guid d'uffants catechetic vul mussar la teologia da l'edifici. Il maletg dal titel vegn a plaschair als uffants.

Ina fatschada stgira, lev schelba e misteriusa s'eleva avant il tshiel nocturn cun nivels. L'intern da la miraglia è illuminada, las alas da porta èn avertas lartgamain. Ellas envidan d'entrar en la glisch.

Quai che fa endament in pau il casti Hogwarts è laatedrala da Cuira. Questa scenaria che fa tema furma il maletg da titel da l'emprim guid d'uffants gist cumpari.

El less far chapir meglier laatedrala als scolars da la segunda enfin sisavla classa.

Far conuscent l'edifici


Il guid d'uffants è l'emprima publicaziun dapi las lavurs da restauraziun da laatedrala a Cuira suentar il guid da festa. La finamira saja da far accessibel quest bajetg cun sias verdads da cardientscha als uffants. Quai ha il canoni *Christoph Casetti* ditg a l'orientaziun da medias. I sa tracta dad in guid catechetic per uffants. «Il project è la risposta sin savida da cardientscha che diminuescha tar la populaziun.»

Sche il guid po era propi cuntanscher ils adressats giavischads vegn a sa mussar. Las experientschas cun guides d'uffants dad autras baselgias europeicas mussan che quels chattian era savens meglier accoglientscha tar crechids che guides da baselgia ordinaris. Sora *Veronika Ebnöther* che è responsabla per la planisaziun, preschentaziun e realisaziun ha sviluppà ina brochura

interessanta ed instructiva. Ins ha colavurà cun la chasa editura d'art Peda da Passau.

Ina purschida termaglianta

Elements centrals da baselgia e vitas da sogns vegnan preschentadas. Indizis a la liturgia vegnan dads. Cuntegns da cardientscha catolics ed oraziuns sco il Ave Maria èn inserids. Tut quai è concepi sco bloc da ring ch'ils uffants prezieschan sco object da giu. Tar tut quai less il guid d'uffants rinforzar il dun d'observaziun cun focussar sin detagls. Bliers ligns e quizzes animeschan l'uffant da sa fatschentar pli profund e liber cun il vesì. Accumpignads vegnan ils scolars primars sin lur tura tras laatedrala da la muntanella Tom. La figura da comic hagi tenor sora *Veronika* ina funcziun intermediada tranter il mund da laatedrala ed il mund dal uffant.



Canoni Christoph Casetti, autora sora Veronika Ebnöther ed editur Gregor Peda (d. s.) han preschentà l'emprim guid d'uffants da laatedrala.